



ՄԱՍՆԱՎՈՐ ՎԱՐԴԱՊԵՏԱԿԱՆ ԱՍՏԻՃԱՆԻ ՏՎԶՈՒԹՅՈՒՆ

Ա/թ. փետրվարին ուխտավորաբար Մայր Աթոռում գտնվող Արևմտյան Գերմանիայի հոգևոր հովիվ Ս. Հակոբ արեղա Գլըրենյանը Վեհափառ Հայրապետին ներկայացրեց մի ուսումնասիրություն՝ «Աստուծո հայտնությունը իր բարդություններով» վերնագրով՝ վարդապետական աստիճան ստանալու համար:

Վեհափառ Հայրապետի կարգադրությամբ ստեղծված հանձնաժողովը, բաղկացած Գերագույն հոգևոր խորհրդի առեւտար Ս. Սիոն արքեպ. Մանուկյանից (նախագահ), հոգևոր ճեմարանի դասախոսներ Ս. Անանիա վրդ. Արաքաջյանից և Պարզև Շահբազյանից, քննելով Ս. Հակոբ արեղայի ներկայացրած վարդապետական թեզը, աշխատանքը գնահատեց բավարար և թույլատրեց հեղինակին հանդես գալու բանավոր պաշտպանությամբ, որը տեղի ունեցավ փետրվարի 27-ին, չորեքշաբթի օրը, երեկոյան, միաբանական հերթական հավաքության ընթացքում:

Բանավոր պաշտպանության ժամանակ հայր սուրբը փայլուն կերպով ներկայացրեց իր աշխատանքը և ապա պատասխանեց հանձնաժողովի տված մի շարք հարցերի: Հանձնաժողովը դրական գնահատեց բանավոր պաշտպանությունը ևս և միջնորդեց Վեհափառ Հայրապետին՝ Ս. Հակոբ արեղա Գլըրենյանին վարդապետական աստի-



ճան շնորհելու համար: Այնուհետև Վեհափառ Հայրապետը օրհնության և գնահատանքի խոսքով շնորհավորեց հայր սուր-



Հ. ԱՅՎԱՋՈՎՍԿԻ—ՀԻՍՈՒՍԻ ԵՐԵՎՈՒՄԸ ԾՈՎԻ ՎՐԱ

բին և մաղթեց նրան նորանոր հաջողություններ՝ իր հովվական ու ուսումնական ասպարեզներում:

Մարտի 1-ին, շաբաթ օրը, առավոտյան ժամը 12-ին, Օջականի Ս. Մեսրոպ Մաշտոց եկեղեցում Մայր Աթոռի դիվանապետ Ս. Արսեն եպս. հերթերյանը վարդապետական մասնավոր գավազան կրելու իրավունք շնորհեց Ս. Հակոբ արք. Գլընճյանին:

Նույն օրը Նորին Սրբությունը հայրական ջերմ սիրով ընդունեց Ս. Հակոբ վարդապետին և նրան պարգևատրեց վարդապետական լանջախաչով:

Տ. ՀԱԿՈԲ ՎԱՐԴԱՊԵՏ ԳԸԼԸՆՃՅԱՆ

Ավագանի անունով՝ Հակոբ: Ծնվել է 1955 թվականին Քեսապ (Սիրիա) գյուղաքաղաքում: Նախնական կրթությունը ստացել է տեղի «Ուսումնասիրաց միացյալ վարժարան»-ում: 1968—1972 թվականներին սովորել է Անթիոխի դպրեվանքում: 1973 թվականին ընդունվել է Ս. Էջմիածնի հոգևոր ճեմարան, որի լսարանական բաժինը ավարտել է 1976 թ. մայիսին՝ փայլուն հաջողությամբ: Ավարտաճառի թեման եղել է «Եկեղեցական կանոններն ու պատամուրթը», որը պաշտպանել է 1976 թ. մայիսին «Գերագանց» գնահատականով:

1974 թվականի դեկտեմբերին ձեռնադրվել է սարկավագ: 1975—1977 թթ. աշխատել է «Էջմիածին» ամսագրի խմբագրությունում որպես քարտուղար:

1976 թվականի նոյեմբերի 14-ին ձեռնադրվել է կուսակրոն քահանա:

1977 թվականի հունիսին, Վեհափառ Հայրապետի կարգադրությամբ, Հակոբ արք. Գլընճյանը մեկնել է Արևմտյան Գերմանիա՝ կատարելագործելու իր աստվածաբանական ուսումը և միաժամանակ հոգալու տեղի հայկական համայնքների հոգևոր կարիքները:

1978 թվականի աշնանը, Արևմտյան Եվրոպայի հայրապետական պատվիրակ Ս. Սերովբե արքեպ. Մանուկյանի հաստատումով, նշանակվել է Արևմտյան Գերմանիայի հայոց հոգևոր հովիվ: Գերմաներեն լեզվի մեջ առաջադիմության համար Ս. Հակոբ վարդապետը ստացել է Ռեգենսբուրգի համալսարանի Գերմաներեն լեզվի վկայական:

Ծնորհավորում ենք Ս. Հակոբ վարդապետին սույն շնորհաբաշխական առիթով և նրան ցանկանում լավագույն հաջողություններ իր ուսումնառական և հովվական աշխատանքներում:

«ԷԶՄԻԱԾԻՆ» ԱՄՍԱԳՐԻ
ԽՄԲԱԳՐՈՒԹՅՈՒՆ

